

SANCTISSIMI DOMINI NOSTRI
P I I
DIVINA PROVIDENTIA
P A P A E I X.
LITTERAE APOSTOLICAE

QVIBVS

CONCEDITVR OMNIBVS CHRISTIFIDELIBVS INDVLGENTIA PLENARIA IN
FORMA IVBILAEI OCCASIONE OECVMENICI CONCILII

OMNIBVS CHRISTIFIDELIBVS PRAESENTES LITTERAS INSPECTVRIS

PIVS PP. IX.

SALVTEM ET APOSTOLICAM BENEDICTIONEM

Neuno certe ignorat, Oecumenicū Conciliū a Nobis fuisse indictū in Basilica Nostra Vaticana die 8 futuri mensis Decembris Immaculae, Sanctissimaeque Deiparae Virginis Mariae Conceptioni sacro inchoandū. Itaque hoc potissimum tempore nunquam desistimus in humilitate cordis Nostri ferventissimis precibus orare et obsecrare elementissimū luminum et misericordiarum Patrem, a quo omne datum optimum, et omne donum perfectum descendit (1), ut mittat de caelis sedium suarum assistentem sapientiam, quae Nobiscum sit, et Nobiscum laboret, et sciamus quid acceptum sit apud eum (2). Et quo facilius Deus Nostri annuat votis, et inclinet aures suas ad preces Nostras, omnium Christifidelium religionem, ac pietatem excitare decrevimus, ut, continetis Nobiscum precibus, Omnipotentis dextere auxilium, et ecclesie lumen imploremus, quo in hoc Concilio ea omnia statuere valeamus, quae ad communem totius populi christiani salutem, utilitatemque, ac maiorem catholice Ecclesiae gloriam et felicitatem, ac pacem maxime pertinent. Et quoniam compertum est, gratiores Deo esse hominum preces si mundo corde, hoc est animis ab omni scelere integris ad ipsum accedant, ideo hac occasione caelestes Indulgentiarum thesauros dispensationi Nostrae commissos Apostolica liberalitate Christifidelibus reserare constituimus, ut inde ad veram poenitentiam incensi, et per Poenitentiae Sacramentum a peccatorum maculis expiati, ad Thronum Dei fidentius accedant, eiusque misericordiam consequantur, et gratiam in auxilio opportuno.

Hoc Nos consilio Indulgentiarum ad instar Iubilaei Catholico Orbi denunciamus. Quamobrem de Omnipotentis Dei misericordia, ac Beatorum Petri et

(1) S. Iac. c. I. v. 17.

(2) Sapient. cap. 9. v. 4. 10.